



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵ

ք. Երևան, Ա. Դավթի 87 Ա

31 մարտի 2022թ.

Ո Ր Ո Շ ՈՒ Մ No. 3500-Ա-1

Վարչական ակտն ուժը կորցրած ճանաչելու մասին

Հայաստանի Հանրապետության պետական եկամուտների կոմիտեի իրավաբանական վարչության պետ Արման Մնացականյանս քննարկելով ֆիզիկական անձ Արման Շաբոյանի վերաբերյալ 10.12.2021թ-ին կայացված «Չկատարված հարկային պարտավորությունները գանձելու մասին» թիվ 3500-Ա որոշումը և վարչական վարույթի նյութերը.

Պ Ա Ր Զ Ե Ց Ի

Համաձայն հարկային վարչարարության ընթացքում հարկային իրավախախտում հայտնաբերելուց անմիջապես հետո հարկային մարմնի պատասխանատու պաշտոնատար անձի կողմից կազմվող թիվ 34063/2021/ԿՈՒՎ4/Ա արձանագրության /կցվում է/ ֆիզիկական անձ Արման Աշոտի Շաբոյանի (ք. Երևան, Էրեբունի, Սարի Թաղի 3-րդ փող., թիվ 2, ՀՎՀՀ՝ 23180986, ՀԾՀ՝ 3711810225) չկատարված հարկային պարտավորությունը 26.08.2021 թվականի դրությամբ կազմել է 141.543 դրամ, որից հարկ՝ 134.700 դրամ, տույժ՝ 6.843 դրամ:

Վերոնշյալ պարտավորության մասով Հայաստանի Հանրապետության պետական եկամուտների կոմիտեի իրավաբանական վարչությունում, համաձայն «Վարչարարության հիմունքների և վարչական վարույթի մասին» ՀՀ օրենքի 30-րդ հոդվածի 1-ին մասի, չկատարված հարկային պարտավորությունները գանձելու վերաբերյալ՝ վարչական ակտ ընդունելու նպատակով 03.12.2021թ. հարուցված վարչական վարույթի մասին հարկ վճարողը պատշաճ կերպով ծանուցվել է, սակայն չի ներկայացրել վարույթի նյութերին ծանոթանալու համար և որևէ բացատրություն չի ներկայացրել:

Հարկային պարտավորությունը առաջացել է ՀՀ ոստիկանության «Ճանապարհային ոստիկանություն» ծառայությունից ստացված շարժական գույքի և դրա նկատմամբ գրանցված իրավունքների վերաբերյալ տեղեկությունների համաձայն՝ ֆիզիկական անձ Արման Շաբոյանի կողմից

1.21.01.2020թ. օտարվել է 21.01.2020թ. ձեռք բերված MERCEDES-BENZ B 200 մոդելի 2005թ. արտադրության 136 ձիաուժ հզորությամբ տրանսպորտային միջոցը,

2. 10.02.2020թ. օտարվել է 10.02.2020թ. ձեռք բերված MERCEDES-BENZ A170 մոդելի 2008թ. արտադրության 116 ձիաուժ հզորությամբ տրանսպորտային միջոցը,



3. 13.02.2020թ. օտարվել է 13.02.2020թ. ձեռք բերված MERCEDES-BENZ B 170 մոդելի 2008թ. արտադրության 116 ձիաուժ հզորությամբ տրանսպորտային միջոցը,
4. 17.02.2020թ. օտարվել է 24.02.2020թ. ձեռք բերված MERCEDES-BENZ B 170 մոդելի 2006թ. արտադրության 116 ձիաուժ հզորությամբ տրանսպորտային միջոցը,
5. 18.05.2020թ. օտարվել է 13.01.2020թ. ձեռք բերված MERCEDES-BENZ B 170 մոդելի 2008թ. արտադրության 116 ձիաուժ հզորությամբ տրանսպորտային միջոցը,
6. 06.08.2020թ. օտարվել է 06.08.2020թ. ձեռք բերված MERCEDES-BENZ B 180 մոդելի 2009թ. արտադրության 116 ձիաուժ հզորությամբ տրանսպորտային միջոցը,
7. 08.08.2020թ. օտարվել է 07.02.2020թ. ձեռք բերված TOYOTA CAMRY 2.5 մոդելի 2011թ. արտադրության 178 ձիաուժ հզորությամբ տրանսպորտային միջոցը:

Ֆիզիկական անձ Արման Աշոտի Շաբոյանի կողմից իրականացված նշված գործարքի մասով 2020 թվականի հարկային մարմին եկամտային հարկի և սոցիալական վճարի տարեկան հաշվարկ օրենքով սահմանված ժամկետում չներկայացնելու, ինչպես նաև հարկերը չվճարելու հետևանքով 10.12.2021թ. ՀՀ ՊԵԿ իրավաբանական վարչության պետի կողմից կայացվել է «Չկատարված հարկային պարտավորությունները գանձելու մասին» թիվ 3500-Ա որոշումը, համաձայն որի գանձման ենթակա օրենքով սահմանված ժամկետում չկատարված հարկային պարտավորությունը կազմել է 141.543 դրամ, որից հարկ՝ 134.700 դրամ, տույժ՝ 6.843 դրամ:

Հաշվի առնելով այն հանգամանքը, որ թիվ 3500-Ա որոշումը կայացնելուց հետո՝ Ֆիզիկական անձի կողմից 19.12.2021 թվականին ներկայացվել է 2020 թվականի եկամտային հարկի և սոցիալական վճարի տարեկան հաշվարկը, ուստի առկա են բավարար հիմքեր նշված որոշումն ուժը կորցրած ճանաչելու համար:

Ելնելով վերոգրյալից և ղեկավարվելով ղեկավարվելով «Վարչարարության հիմունքների

և վարչական վարույթի մասին» ՀՀ օրենքի 66-րդ հոդվածի 2-րդ մասով՝

Ո Ր Ո Շ Ե Ց Ի

Ուժը կորցրած ճանաչել Ֆիզիկական անձ Արման Աշոտի Շաբոյանի վերաբերյալ 10.12.2021-ին կայացված «Չկատարված հարկային պարտավորությունները գանձելու մասին» թիվ 3500-Ա որոշումը:

**ԻՐԱՎԱԲԱՆԱԿԱՆ
ՎԱՐՉՈՒԹՅԱՆ ՊԵՏ**



ԱՐՄԱՆ ՄԵՆՏԱԿԱՆՅԱՆ

Կապարող՝

Իրավաբանական վարչության հարկադիր գանձման և
պարտավորությունների կատարման ապահովման բաժին
Արտակ Նանանյան
հեռ.՝ 010-309-191 (9107)



ՀՀ ՊԵՏԱԿԱՆ
ԵԿԱՄՈՒՏՆԵՐԻ
ԿՈՄԻՏԵ

0015, Երևան, Մ. Խորենացու 3,7 Հեռ. +374 60 54 46 57
Կայք՝ www.petekamutner.am Էլ. փոստ՝ secretariat@petekamutner.am